

বাংলাদেশের শাহনাজ বিশ্বের সেরা শিক্ষকের পুরস্কার নিচ্ছেন

যুগান্তর রিপোর্ট

বিভিন্ন দেশে মানসম্মত শিক্ষা নিশ্চিতের লক্ষ্যে দুবাইয়ে শনিবার 'পঞ্চম গ্লোবাল এডুকেশন ও স্কিলস ফোরাম' (জিইএসএফ) সম্মেলন শুরু হয়েছে। এতে শিক্ষামন্ত্রী নুরুল ইসলাম নাহিদের নেতৃত্বে বাংলাদেশের চার সদস্যের প্রতিনিধি দল যোগ দিয়েছে। সম্মেলনের দ্বিতীয় দিন আজ রোববার বগুড়ার প্রাথমিক শিক্ষিকা শাহনাজ পারভীনকে আনুষ্ঠানিকভাবে বিশ্বসেরা শিক্ষকদের একজন হিসেবে 'গ্লোবাল টিচার্স প্রাইজ' প্রদান করা হচ্ছে। তার সঙ্গে আরও ৫০ জন শিক্ষক এ পুরস্কার গ্রহণ করবেন। শাহনাজ শেরপুর উপজেলার সদর মডেল সরকারি প্রাথমিক বিদ্যালয়ে কর্মরত। এবারের সম্মেলনের 'নূর ফোকাস' হচ্ছে— ২০১০ সালের মধ্যে এসডিজি লক্ষ্যমাত্রা অর্জন। সম্মেলনে বিভিন্ন দেশের ৪০ শিক্ষামন্ত্রীসহ ১৪০টি দেশের সরকারি ও বেসরকারি খাতের শিক্ষাবিদ, পরিকল্পনাবিদ, শিক্ষক এবং উর্ধ্বতন কর্মকর্তারা অংশ নিচ্ছেন। এতে ভারকি ফাউন্ডেশন প্রবর্তিত গ্লোবাল টিচার্স প্রাইজ হস্তান্তর করা হবে। এ বছর পুরস্কার বিজয়ী ৫০ জনের মধ্যে বাংলাদেশে শাহনাজ পারভীন ৩২তম হয়েছেন।